



**EVOLUSI
DEKAD**
DEKAD LAYANAN BAKA SA UTM
1956-2026



**UNIVERSITI
TEKNOLOGI
MARA**

Pusat
Residensi dan
Hospitaliti Pelajar

eISSN 2838-0002



9 772838 000002

EDISI 1/2026

INSPIRA

Info-Siswa-Aspirasi-Residensi

PRHP

e-Buletin

Pusat Residensi & Hospitaliti Pelajar



**Dapur Siswa
MADANI UiTM**



**Food Bank
Siswa UiTM**



**Menu Kasih
Siswa UiTM**



**MALAYSIA
MADANI**

UiTM *di hastika*

إرشاد الطلاب

prhputimsa@uitm.edu.my



@prhputimsa

FOOD BANK SISWA UiTM

PRIHATIN, INKLUSIF DAN MESRA MAHASISWA

Oleh: Sidang Redaksi INSPIRA PRHP

SHAH ALAM – Memahami kepelbagaian latar belakang dan cabaran kelangsungan hidup mahasiswa masa kini, Pusat Residensi & Hospitaliti Pelajar (PRHP) bersama Majlis Pengetua Kolej Kediaman Jabatan Hal Ehwal Pelajar (HEP) UiTM terus memperkasakan inisiatif *Food Bank* Siswa UiTM. Program kebajikan ini direka khusus sebagai jaringan keselamatan pemakanan yang pantas, mesra pengguna, dan saksama buat seluruh warga kampus.

Konsep 'Grab & Go': Akses Mudah Tanpa Bayaran

Food Bank Siswa UiTM beroperasi menerusi penyediaan ruang khas yang strategik dan mesra pelajar di kolej-kolej kediaman serta pelajar Non Resident. Menerusi konsep "**Ambil Yang Perlu, Menyumbang Yang Mampu**", mahasiswa yang memerlukan boleh hadir ke ruangan ini pada bila-bila masa sahaja untuk mengambil bekalan makanan secara percuma tanpa sebarang bayaran. Langkah ini dilaksanakan bagi memastikan tiada kekangan birokrasi yang rumit apabila pelajar berada dalam situasi mendesak atau kesuntukan perbelanjaan, sekali gus menjaga kebajikan dan maruah mereka.

Pilihan Makanan Ringkas, Cepat, dan Praktikal

Bagi memastikan makanan yang disediakan sesuai dengan gaya hidup dan keperluan harian mahasiswa, barangan di *Food Bank* Siswa difokuskan kepada jenis makanan sedia dimakan (*ready-to-eat*) serta makanan mudah sediakan (*easy-to-prepare*). Antara barangan utama yang disediakan di rak *Food Bank* merangkumi:

- **Sedia dimakan:** Roti, biskut, dan snek berkhasiat untuk keperluan tenaga pantas.
- **Mudah & cepat disediakan:** Mi segera, pekot *retort food* (makanan sedia dipanaskan), dan bijirin.
- **Minuman pra-campur:** Paket minuman 3 dalam 1 (kopi, teh, koko, dan susu) yang hanya memerlukan air panas.

Inklusif: Liputan Saksama Buat Pelajar Non Resident (NR)

Satu keutamaan dalam pelaksanaan *Food Bank* Siswa UiTM adalah keterangkumannya (*inclusivity*). Keperitan kos sara hidup tidak hanya dirasai oleh pelajar yang tinggal di dalam kolej kediaman, malah turut memberi impak besar kepada pelajar Non Resident (NR) yang menyewa di luar kampus.

Sehubungan itu, PRHP bersama Unit Pengurusan Non Resident (UPNR) di kampus induk dan cawangan telah menyediakan sudut khas *Food Bank* di Pusat Kegiatan Pelajar, kolej kediaman, pejabat UPNR dan ditempat yang strategik bagi membolehkan mahasiswa NR mendapatkan bekalan makanan asas dengan mudah setiap kali mereka hadir ke kampus untuk menghadiri kuliah atau aktiviti di kampus. Pihak UPNR juga ada menyediakan kotak makanan yang akan diagihkan kepada mahasiswa setiap kali lawatan mesra diadakan ke rumah sewa mereka.

Sinergi & Kelestarian Food Bank Seluruh Sistem UiTM

Pelaksanaan *Food Bank* Siswa ini dijayakan secara menyeluruh di seluruh sistem UiTM, merangkumi kampus induk serta kampus-kampus cawangan di seluruh negara. Kelangsungan dan ketersediaan stok makanan di rak Food Bank ini disokong rapat oleh pengurusan kolej kediaman, Majlis Pengetua, Majlis Perwakilan Pelajar (MPP), Jawatankuasa Perwakilan Kolej (JPK), Jawatankuasa Perwakilan Non Resident (JPNR) serta sumbangan berterusan daripada warga UiTM, Bahagian Zakat, Sedekah dan Wakaf (ZAWAF), badan NGO, dan rakan korporat.

Dengan adanya fasiliti *Food Bank* Siswa UiTM ini, universiti berharap dapat meringankan beban kewangan harian mahasiswa, sekali gus memfokuskan usaha ke arah kecemerlangan akademik dan pembentukan sahsiah demi kemenjadian mahasiswa yang holistik.



اَوْبُوْكَرْ سَيِّدِيْ تَيْكُوْ لَوِيْجِيْ مَارَا
UNIVERSITI
TEKNOLOGI
MARA

Jabatan
Hal Ehwal Pelajar



اوسها تقوى موليا

Universiti Unggul Pemacu
Bumiputera Profesional

